



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH», broj: 12/03, 34/03 i 65/13), člana 34. Zakona o ustanovama ("Službeni list R BiH", broj: 6/92, 8/93 i 13/94), člana 56. Statuta općine Ilijaš-prečišćeni tekst ("Službene novine Kantona Sarajevo", broj: 20/09 i 46/18), člana 3. i 18. Odluke o osnivanju JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ ("Službene novine Kantona Sarajevo", broj: 2/00 i 18/10), člana 52. Pravila JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ i Odluke o djelimičnom poništenju Javnog oglasa za izbor i imenovanje člana Upravnog i Nadzornog odbora JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ, broj:01/2-40-994.6/19 od 03.07.2019.godine, Općinski načelnik objavljuje:

PONOVNI JAVNI OGLAS

za izbor i imenovanje predsjednika i člana Nadzornog odbora JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ, čije konačno imenovanje vrši Načelnik općine Ilijaš

I – Oglašavaju se upražnjene pozicije u JAVNOJ USTANOVI «KULTURNO-SPORTSKI CENTAR I RADIO ILIJAŠ» ILIJAŠ (u daljem tekstu Ustanova):

Nadzorni odbor

- član, predsjednik - iz reda osnivača
- član, iz reda zaposlenika

II - NADLEŽNOSTI NADZORNOG ODBORA

Analizira izvještaje o radu i poslovanju ustanove; obavlja nadzor nad upotrebom sredstava za rad; pregleda godišnji izvještaj poslovanja i godišnji obračun; pregleda poslovne knjige; izvještava osnivača, upravni odbor i direktora o rezultatima nadzora.

MANDAT

Nadzorni odbor se imenuje na period od četiri godine uz mogućnost obnove mandata.

STATUS

Aktom o imenovanju predsjednika i člana Nadzornog odbora, isti ne zasnivaju radni odnos u Ustanovi. Naknada za rad u Nadzornom odboru utvrđuje se u skladu sa aktima Ustanove.

IV - OPĆI USLOVI

Kandidati za izbor i imenovanje u Nadzornom odboru moraju ispunjavati sljedeće opće uslove:

- da su državljani Bosne i Hercegovine (dokaz: uvjerenje o državljanstvu ne starije od šest mjeseci),
- da su stariji od 18 godina (dokaz: rodni list),
- da nisu osuđivani za krivično djelo pet godina od pravosnažnosti presude, isključujući vrijeme zatvorske kazne (dokaz: uvjerenje nadležnog MUP-a),
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (na bilo kojem nivou države ili entiteta) u periodu od tri godine prije dana objavljivanja upražnjene pozicije (dokaz: potpisana izjava ovjerena od strane općinskog organa),
- da se protiv istih ne vodi krivični postupak, odnosno da nije osuđivan za krivično djelo ili privredni prestup, koji predstavlja smetnju za imenovanje za upražnjenu poziciju u roku od 5 godina od dana izdržavane, izvršene, zastarjele ili oprostene kazne (dokaz: uvjerenje nadležnog suda)
- da se na iste ne odnosi član IX stav 1. Ustava Bosne i Hercegovine (dokaz: potpisana izjava ovjerena od strane općinskog organa),
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine («Službene novine Federacije BiH», broj:70/08) (dokaz: potpisana izjava ovjerena od strane općinskog organa),

V – POSEBNI USLOVI I KRITERIJI

Pored općih uslova kandidati trebaju ispunjavati i sljedeće posebne uslove:

- VSS i najmanje 3 godina radnog iskustva nakon sticanja diplome – za predsjednika (dokaz: univerzitetska diploma i potvrda/uvjerenje o radnom stažu potpisano i ovjereno od strane poslodavca ili uvjerenje poreske uprave o uplaćenim porezima i doprinosima),
- VSS ili VŠS i najmanje 3 godina radnog iskustva nakon sticanja diplome – za člana (dokaz: univerzitetska diploma i potvrda/uvjerenje o radnom stažu potpisano i ovjereno od strane poslodavca ili uvjerenje poreske uprave o uplaćenim porezima i doprinosima),
- da nisu članovi upravnog, izvršnog ili drugog organa političke stranke (dokaz: potpisana izjava ovjerena od strane općinskog organa),
- da nemaju privatni finansijski interes u Ustanovi (dokaz: potpisana izjava ovjerena od strane općinskog organa),
- da nisu na poziciji direktora u Ustanovi (dokaz: potpisana izjava ovjerena od strane općinskog organa),
- da nisu članovi upravnog ili nadzornog odbora u više od jednog reguliranog organa (dokaz: potpisana izjava ovjerena od strane općinskog organa).

Za sve kandidate koji u potpunosti ispunjavaju opće i posebne uslove u postupku konačnog izbora uzeće se u obzir i sljedeći kriteriji:

- komunikacijske i organizacijske sposobnosti,
- prilagodljivost timskom radu i sposobnost za savjesno i odgovorno obavljanje pozicije,
- sposobnost odlučnog i nepristrasnog donošenja odluka i
- rezultati rada tokom dosadašnjeg rada.

VI – KANDIDOVANJE

Podnosioci prijave sa kojima se ne stupa u kontakt u roku od 10 dana od dana isteka roka za podnošenje prijave neće biti uzeti u razmatranje u daljem procesu kandidovanja.

Svi kandidati koji budu stavljeni na listu sa užim izborom biće pozvani na intervju, nakon čega će Komisija za imenovanje putem pismene preporuke predložiti rang listu sa najboljim kandidatima općinskom načelniku.

Prije intervjuja kandidati su dužni dostaviti podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Sve informacije o toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, broj:49/06, 76/11 i 89/11).

Kandidati koje nakon intervjuja predloži Komisija za izbor, smatrat će se da su najuspješnije prošli otvorenu konkurenciju, a Načelnik općine Ilijaš osigurat će da se izvrši i javno objavi konačno imenovanje na poziciju u Nadzornom odboru Ustanove.

Bilo koji kandidat ili zainteresirana stranka, može podnijeti prigovor na konačno imenovanje, ako smatra da u procesu imenovanja nisu ispoštovani principi utvrđeni Zakonom o ministarskim i drugim imenovanjima Federacije BiH.

Prigovor se podnosi Načelniku općine Ilijaš, a kopija se dostavlja Ombudsmenu za ljudska prava Bosne i Hercegovine.

Prijavljivanje se vrši putem prijavnog obrasca koji se može preuzeti u šalter sali Općine Ilijaš (ul. 126.Ilijaške brigade br.6, 71380 Ilijaš) ili sa internet-stranice općini Ilijaš www.ilijas.ba

Uz prijavni obrazac, kandidati trebaju priložiti:

- 1.biografiju;
- 2.univerzitetsku diplomu;
- 3.uvjerenje o državljanstvu (ne starije od 6 mjeseci);
- 4.rodni list
- 5.potvrdu/uvjerenje o radnom stažu potpisano i ovjereno od strane poslodavca ili uvjerenje poreske uprave o uplaćenim porezima i doprinosima);
- 6.potpisanu i ovjerenu izjavu od strane nadležne općinske službe kojom kandidat potvrđuje sljedeće:

- da se na kandidata ne odnosi član IX.1. Ustava BiH,
- da nije osuđivan za krivično djelo i privredni prestup nespojiv sa dužnošću u nadzornom

- odboru javne ustanove,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti BiH,
 - da nije otpušten iz državne službe kao rezultat disciplinske mjere, predhodne tri godine od dana objavljivanja Javnog poziva,
 - da nema privatni finansijski interes u Ustanovi u čiji se nadzorni odbor kandiduje,
 - da nije član upravnog ili nadzornog odbora u više od jednog reguliranog organa,
 - da nije član upravnog, izvršnog ili drugog organa političke stranke.

7.potpisanu i ovjerenu izjavu od strane nadležne općinske službe o davanju saglasnosti za obradu i objavu ličnih podataka kandidata (Izdaje se i ovjerava u Centru za pružanje usluga građanima-općina Ilijaš).

Uvjerenje od MUP-a da nije osuđivan za krivično djelo pet godina od pravosnažnosti presude, isključujući vrijeme zatvorske kazne i Uvjerenje od nadležnog suda da se protiv njega ne vodi krivični postupak, odnosno da nije osuđivan za krivično djelo ili privredni prestup, koji predstavlja smetnju za imenovanje za upražnjenu poziciju u roku od 5 godina od dana izdržavane, izvršene, zastarjele ili oprostene kazne dužni su naknadno dostaviti kandidati koji se nađu na listi užeg izbora najboljih kandidata, neposredno prije njihovog konačnog imenovanja.

Sve dokumente potrebno je priložiti u originalu ili fotokopiji ovjerenoj kod nadležne općinske službe. Dokumentacija se neće vraćati.

Komisija zadržava pravo da ostale dokaze u vezi sa datom Izjavom zatraži naknadno. Ukoliko aplikanti u roku od najkasnije 15 dana od dana traženja dokaza iste ne dostave, smatrat će se da nisu dostavili potpunu dokumentaciju.

Javni oglas ostaje otvoren 15 dana od dana objavljivanja u «Službenim novinama Federacije BiH», dnevnom listu «Oslobođenje» i web stranici Općine Ilijaš www.ilijas.ba. Rok za podnošenje prijava računa se od dana posljednjeg javnog objavljivanja oglasa.

Prijavu sa cjelokupnom traženom dokumentacijom, sa naznakom:

“Prijava na javni oglas za izbor i imenovanje predsjednika i člana Nadzornog odbora JAVNE USTANOVE «KULTURNO-SPORTSKI CENTAR I RADIO ILIJAŠ» ILIJAŠ, čije konačno imenovanje vrši Načelnik općine Ilijaš – ne otvarati”,

kandidati trebaju dostaviti lično ili poštom preporučeno, na slijedeću adresu:

Općina Ilijaš, ul. 126. Ilijaške brigade br. 6, 71380 Ilijaš.

Nepotpune i neblagovremene prijave neće biti razmatrane.

Broj:01/2-40-1537/19
Ilijaš, 18.07.2019.godine



Ul. 126. Ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:160200000710645
e-mail info@ilijas.ba



